

Kikendan ...



ANISHININIWI MIINIKOSOWINAN

Widamakewasinahikan ima oji Onaakonikewinik Ayamiitamaakewinik iimaa Bikwadahkiig

Okweniwan miinikosowinan ishi-anohkiise iikweniwak oji kakina Anishininiwag

Anishininiwi Miinikosowinan

Maamao miinikosowinan kaawijisekin iimaa Anishininiwag kaa-iishi bimi aabajitowaach egwa dashiikewaach iimaa odahkiimiwaak. Okweniwan miinikosowinan nihstawinikaadewan iimaa Kichi-Okomaawinik egwa ekanawendaakwakin iimaa biksibihiikewinik 35 iimaa *Onaakonikewi Onahjikewinik*.

Maanitonaak Miinikosowinan

Beshiko dakwanoon egaa eyahpendamomakakin iimaa Kichi-Okomaawinaak (Dookaan miinikosowin jibeshikobimoondisinaananiwak egwa miinikosowin jibimidoojikaadekin iishibimaadisowin doodamowinan) shaakooch kaawin jikanadenjikaadek iimaa Kanediyan Onakonikewinik Bimojikewinik.

Nakodamaakewinan Miinikosowinan

Ashich kaye miinikosowin jinadawenjikenaniwak, jinoojikinooshewenaaniwak egwa jiwanihiikenaaniwak, egwa ekanawendaakwakin iimaa biksibihiikewinik 35 iimaa *Kichi-Onaakonikewi Onahjikewinik* egwa ewijisekin iimaa nakodamakewinik kaakiimasinahodisiwaapan Anishininiwi Okomaawinan egwa Kichi-Okomaawinaak (*Marshil Iisewinik*)

Iisise jwiiijikaadek

Kaa-iisisek ahpii Kichi-Okomaawinaak kaamaamidondamowaach onendamaakewinini naanda doodamoonini kekiwiji majibakamishkaakemakak iimaa Anishininiwi Miinikosowinik (*Haida Okomaawin, Mikisew Omashkiikowag* egwa *Tsilhqot'in* iisisewinan). Owe Kichi-Onaakonikewi Onahjikewinik iisise jidoojikaadek egwa kanawaabamikosiwak wiinawaa iimaa Kichi-Onaakonikewinik.

Adiht anohkiwi bimojikewinan, dookaan monahiikewinik, **obiikonaanaawaa oweni miinikosowinini** ewiji nakinamowaach kewiji majisenik egwa kewiji bakamishkaakemakaninik bihjiibowinan iimaa nibiini kaawijisenik kaawiji kwayaadinamwakanowaach iimaa Anishininiwi Okomaawinik dashiikewinan

Awiyak Omiinikosowiniwaan

- Jidebinamowaach kasakakendaakwaninik kaaminikwaadenik nibiini egwa kaabayakwaakamininik
- Kaabayahkaag, Minoyaamakak egwa bimaajihomakak tanahkiwinik
- Jidebinikaadek kasakakendaakwak, kaayahpendaakwak waakaahiikewin
- Kaa-iishi miinikosinaananiwak jimanaajijikaadek egwa kanawendaakwak bikwadahki
- Miinikosowinan kaakiiwawenahtekin iimaa Maamao Ahkiin Wijiikaabawitamaakewinik Kichi likitowin iuwe oji miinikosowinan iikweniwak oji Anishininiwag (“UNDRIP”)

Kiyaabich kekon iuwe oji UNDRIP

- Ashich Kaye **kaa-iishi beshikoch awiya** egwa **maamao miinikosowinan**
- Kwayaadinikaade **ke-iishinaakwak iuwe maamiinonikewin**
- Misiswe biko ahkiig awiyak omiinikosowiniwaan nakodamaakewin Kaanada kaakii masinahodisiwaach egwa kaakiishi nakodamowaach jiwawenahjikaadek iimaa Okomaawinaak *UNDRIP Onaakonikewinik* egwa kaye kaayashijisek iuwe Doodamoowin Wawenahjikewin
- Onaakonikewikamikoon onihstawinaanaawaa iweni UNDRIP eyashijisek iuwe **“kaminowaashik Kidoonaakonikewininaan”** (Dookaan: *Anishininiwi Okomaawinan, Inuit egwa Wiisaakodewini Awaashishag iisisewinik, Kebaowek iisisewin*)



Nihsitojikaadekin kaabanskweyaakin, kaamwaye egwa wiidamaakewinan nakweweshjikaadekin

Mishiin dibaajimowinan iimaa UNDRIP (kaye dibajoimowinan 10, 11(2), 19, 29(2) egwa 32(2)) wiidamaakemakan Okomaawinaak okanawaabamikosoniwaan jisakakitowaachin anishininiwan obanskwesooniwaan, mwaye egwa wiidamaakewinan nakojikaadekin mwaye kekoon maajiidoojikaadek kekiiwi bakamishkaakowaach, ominoyaawiniwaak egwa ominosewiniwaak, kaa-iishibimaadisowaach, naanda odahkiimiwaan egwa odaabajitaawiniwaan.

Aandash iwe mayaam e-iikitomakak?

Banskesoon iwe iikitomakan nakodamaakewin ekiimikwenaaniwak egwa ekiwiji kakiwanimondawaakanowaach, kisikwendamihaakanowach naanda jajiishihaakanowaach

Mwaye iikitomakan iwe nakodamaakewin ekiinaaskikaadek egwa sakakinikaadek mwaye onendamaawinan kaakii oshjikaadekin naanda doodamowinan kaakiimaajijikaadekin

Wiidamaakewinan iikitomakan iwe nakodamaakewin ekiwijisek iimaa midoni kiishjikewinik, debinjikewinik egwa iishibimaadisowinik debwe mayaam wiidamaakewinan kaakiinaabikanawaabajikaadekin egwa nihsitojikaadekin

Nakodamaakewin iwe iikitomakan onendamaakedwin kekiimiikwenaaniwak, mijikonikaadek naanda niikadenikaadek

Aan miinikosowinan ewijimijikonikaadek?

• **Kaakakwejjikaadekin UNDRIP miinikosowinan, kaye miinikosowin jibeshikobimondisinaanawak:** jikakwejjikaadekin anishininiwi onaakonikewinan egwa ji-okomaawinaasinaanawak iimaa kidashiikewiniwaak, kidahkiimiwaak egwa kidaabajitaawiniwaak

UNDRIP iijikemakan miinikosowin iwe jibeshikodibenimidisinaanawak iwe miinikosowin jiwinenjikaadek ke-iishikaabawinaanawak okomaawinaak egwa jibanskwesinaanawak biminshahiikaadkin anohkiwibimojikewinan, wawijiwidowinik egwa iishibimaadisowinik oshjikewinik egwa awiyak akwajijg jiwaanaajikewaach

• **Oshjikaadek egwa odinikaadekin wiijhiwewinan iwe oji Kichi-likitowin** kewiji kanawendaakwakin anishininiwi ahkiin egwa nibiin

Kimiinikoos jiwijidwaayan iimaa bikwadahkiig onendamaawinik, iimaa oji *Bikwadahkiig Biksibiihiikewinik iikweniwan oji Miinikosowinan*

• **Bakidinikaadekin iikitowinan** nakojikaadekin ashodamaakewinan, dookaan monahiikewin nanadonikewinan masinahiikanehsan kaanaakojikaadekin iimaa Bikwadahkiig niibidesinahiikewinik iimaa Ontario (ero.ontario.ca)

iimaa *Misiwe Biko Ahkiig Kaakanaadendaakwakin Bikwadahkiig Majenimowewinik* egwa *Bikwadahkiig Kwayakwaakonikewinik Onaakonikewin*, Kaanada kiibakidindisiwak jinanakadawaabadamowaach egwa jyanohkaadamowaach **Bikwadahkiig Majenimowewinik:**

• **Wijidaayan iimaa bikwadahkiig onaakonikewin egwa wawenhjikewin oshjikewinan**, dookaan moshkinepiihodisiyan iimaa enviroequity.ca kekiiwi wiidamaakoyan dashodamaakewinan dawisesekin iimaa Misiwe Biko Ahkiig Doodamowinan Kaakanawendaakwakin Bikwadahkiig Majenimowewinik egwa Kwayakwaakonikewinik

kaakiibi iisisek ahko onahjikaadekin bikwadahkiig nishiwanaajijikewinan egwa kanishiwanaajijikemakakin anohkiwibimojikewinan (dookaan monahiikewinan) mishiiniwayek iimaa kaa-iishi dashiikewaach anishininiwak, kaamajenjikaadekin egwa kaakopaadisiimakakin dashiikewinan, egwa egwa eyashidinaakanowaach onendamaakewinik kaa-iishi bimisenik

• **Iishaaniwak iimaa onakonikewikamikog** jimawinehiikaadek iwe Kichi-onaakonikewi Onahjikewin egwa misuwe biko ahkiig iinanohkaajikewinan jiwijikaabawijikaadekin anishininiwi miinikosowinan